



Universitätsbibliothek Paderborn

**De Vita Et Institvto S. Ignatii Societatis Iesv Fvndatoris.
Libri Qvinqve**

Bartoli, Daniello

Lvgdvni, 1665

XVIII. Puella linqui animo solita ibidem sanatur.

urn:nbn:de:hbz:466:1-10840

XVIII.
*Puerilla lin-
qui animo so-
lita ibidem
sanatur.*

Nec fuit minoris prodigij, puerilla annorum quindecim, eodem ferè tempore ac loco redditum valetudo. Huic in Gandia comitatu ex spectri cuiusdam obiecti terrore, hæsit cordis ægrotatio tam fera, ut eam ab se, atque à sensibus abalienaret, cum horarum interdum quatuor, & quinque deliquio; rabie interdum, mortu manuas proprias appetentem, ac principio quidem exerebat se quot hebdomadis mali furor, post iterum ac tertio; demum ita crebro, ut decies octies diei unius spatio rediret, qualis fuit supremus eius morbi dies. Videns enim Lustrica eius mater nunquam illi fuisse deterius, S. Ignatium lacrymis & precibus conuenit, cuius multa narrari prodigia audiebat, infelicissimam puerillam, nullaque iam spe nisi cœlesti nixam eius commisit bonitati. Quo puncto temporis cum iaceret collapsa, oculos aperit, assargensque admodum reuerenter, iubet sedes ponit duobus Paribus, quorum alter erat Ignatius; ab eo se sibi redditam; se manus prehensa erectam; se promissione illius factam certiorem comitialis morbi nunquam de cœtero reuersuri. Credita est primum animo exerrare, at Sancti vultum, & habitum describens, & valetudine in posterum gaudens constanti, & integra, visi ac miraculi veritatem cumulatè probauit.

XIX.
*Moribundus
oculo chiro-
graphi S. Ig-
natij repente
sanatur.*

Sub annum huius æui sextum vocatus est in Societatem Hieronymus Faconius Barcinonensis, sed compendis domesticis infatuatus parens Michaël Baptista, obstare non destitit quoad negotium disturbasset. Neutri tamen impunè res fuit: missus à patre Leridam iuuenis, faucium inflammatione corripitur, quam ex lingua tumore, ac nigredine, lethalem medici iudicant, cum ex centum eo malo affectis, solerent vix quatuor sanari. Edoctus periculum parens, fassisque non dissimulanter veram mali causam; indignum se clamat qui viuo filio potiretur, quem rationibus terrenis familiæ, quam Christo feruire malueret; peccatum ab se vehementer dolet, poscitque multis cum lacrymis ab S. Ignatio veniam, mira spondeus si ab interitu filium vindicasset. Inde citato Leridam peruectus in columem offendit filium, & qua hora illum sancto commendarat, eadem, & febrim extinctam, & faucium æstum: causæ vero ignari medici, peritè statuerunt non potuisse momento pestilentem febrim constanter definere, stabulante introrsum mali origine, sed hoc fore recidiui lethalis præsagium: visa certè est beneficio exorato suspendi morbi vis, potius quam sanari. Itaque duodecimo post die violenta febris accedere, ingrauescere decimo septimo, tumere pectus, spiritus via, pituita obstrui, denique medici affirmare altera hora post medium noctem, accessio ne decumana periturum. At Pater cui animo hærebat ratas fuisse quas fuderat Barcinone ad Ignatium preces; illas geminato affectu repetit, Societatis patres per nuncium rogat, ne grauentur eius Chirographum ad ægrotum deferre; quod cum penes priuatum esset, diu reperiri non potuit. Adebat interim prædictum à medicis supremum discrimen, sine pulsu arteria, sudores frigidi, vicina mors, parens ultimum filio piè adprecatur, nunquam ab

sc